

**XVI АСР БУХОРО ХОНЛИГИДА ИЖТИМОЙ-СИЁСИЙ ҲАЁТ ВА
ПЕДАГОГИК ТАФАККУР ТАРАҚҚИЁТИНИ ЁРИТИШДА "МУЗАККИРИ
АҲБОБ" АСАРИДАН ФОЙДАЛАНИШ ИМКОНИЯТЛАРИ**

А. Н. Нусратов

Бухоро давлат университети таянч докторанти

АННОТАЦИЯ

Ушбу мақолада XVI аср Бухоро хонлигига ижтимоий-сиёсий ҳаёт ва педагогик тафаккур тараққиёти масалалари Ҳасанхожа Нисорийнинг Музаккири аҳбоб" асари воситасида очиб берилган. Асардаги Бухоро хонлигига шайбонийлар хукумронлиги даврида илм-фан, санъат, маданият, таълим ва бошқа соҳалардаги ўзига хос, давр руҳини, ўзида мужассам этадиган, қиёсий таҳлиллар келтириб ўтилган. Шунингдек ўша даврда маълум ва машҳур бўлган қатор олимлар, шоирлар рассомлар, наққошлар, мударрислар ва бошқа илм фан намояндалари уларнинг қилган ишлари ва ёзган асарлари, унда ёритилган ўша давр муҳити тўғрисидаги қимматли маълумотлар келтириб ўтилган.

Калит сўзлар: Музаккири Аҳбоб, дин, тасаввуф, миллий мерос, мадраса, ренессанс, мударрис, тафаккур, мактабдор, маданият, ҳандаса, илм-фан, наққош, шоир, олим.

**OPPORTUNITY TO USE THE WORK "MUZAKKIRI AHBOB" IN THE
DEVELOPMENT OF SOCIO-POLITICAL LIFE AND THE DEVELOPMENT
OF PEDAGOGICAL THINKING IN THE BUKHARA KHANATE OF THE XVI
CENTURY**

A. N. Nusratov

Doctoral student of Bukhara State University

ABSTRACT

In this article, the issues of socio-political life and the development of pedagogical thinking in the Bukhara khanate of the XVI century are revealed through the work of Hasankhoja Nisori's "Muzakkiri ahbob". The book contains a unique, comparative analysis of the Bukhara khanate in the field of science, art, culture, education and other areas during the reign of the Shaybanids. Other works of science and their works contain valuable information about the environment of that period.

Keywords: Muzakkiri Ahbob, religion, mysticism, national heritage, madrasa, renaissance, teacher, thinker, schoolboy, culture, handasa, science, painter, poet, scholar.

Бухоро шаҳарлар рашигини келтирувчи ва
Эрам боғидан ҳам яхшироқ бир жойга йифилган,
дин улуғларининг қибласи ва ер юзи
фозиллари йифингоҳига айлангандир.

Ҳасанхожа Нисорий

КИРИШ

XVI аср Бухоро хонлигига ижтимоий-сиёсий ҳаёт ва педагогик тафаккур тараққиётини белгиловчи омиллардан бири, бу ўз даврида фаолият юритган тарихий шахслар, олимлар, дин ва тасаввуф вакиллари, шоир ҳамда ёзувчилар ўтган муҳаддис ва мударрислар уларнинг келажак авлодларга қолдирган қўлёзма асарлари билан белгиланади. Шунингдек миллий педагогикамиз тарихий тараққиёти мазмунини бойитишда хизмат қиласиган, ҳамда бугунги кун ёшлари онгига тарихий тафаккурни шакллантириш воситалари бўлган маданий-маънавий мерос билан ҳам ўлчанади.

Тарихий манбааларнинг қиёсий таҳлиллари шуни кўрсатадики, Бухоро хонлигининг деярли барча тарихий даврларида бу диёрда илм-фанга, диний ва дунёвий билимлар ривожига, бўлган эътибор муҳим аҳамият касб этганлигини кўришимиз мумкин.

Шуни алоҳида такидлаш жоизки XVI аср ўзбек миллий маданияти тарихида темурийлардан кейинги ўзига хос ренессанс даври бўлган десак муболага бўлмайди. Бу даврга келиб муқаддас Бухоро заминида кўплаб шоҳ асарлар яратилганлиги, ҳамда улуғ алломаларимиз яшаб ўтганлиги, улар ўзидан улкан маънавий мерос қолдирганлигини яхши биламиз. Зеъро бу даврнинг тўғри обеъктив боҳосини бериш ҳамда ўша даврнинг ижтимоий – сиёсий ҳаёти, унда ўртага ташланган фалсафий ва педагогик қарашларни қиёсий таҳлил қилиш учун, ўша даврда яратилган адабий тарихий манбаларни ўрганишга эҳтиёж сезилади.

АДАБИЁТЛАР ТАҲЛИЛИ ВА МЕТОДОЛОГИЯ

Бундай асарлар сирасига Ҳасанхожа Нисорийнинг "Музаккири Аҳбоб", Камолиддин Биноийнинг "Шайбонийнома", Фазлуллоҳ ибн Рӯзбехоннинг "Мехмонномаи Бухоро" ва "Сулук ал - мулук", Мулла Шодининг "Фатҳнома" (Шайбонийхоннинг таржимоий ҳоли шерий тарзда ҳикоя қилинади) ва Таворихи гузидга нусратнома (ўзбек тилидаги насрый асар), Абдулла ибн Муҳаммад ибн Али Насруллонинг "Зубдат ул - осор", Хофуз Таниш ибн Мир Муҳаммад ал – Бухорийнинг "Шарафномаи шохий" (бу асар

“Абдулланома” номи билан машҳур), Муҳаммад ибн Валининг “Баҳр ул – асрор”, Зайниддин Васифийнинг “Бадое ул вақое”каби кўплаб тарихий асарларни киритиш мумкин.Шундан муҳим асарлардан бири бу Ҳасанхожа Нисорийнинг “Музаккири Аҳбоб” асаридир.

Унинг муллифи машҳур Бухоролик олим ва шоир Ҳасанхожа Нисорий бўлиб у 1516 йилда ўз замонасида маълум ва машҳур бўлган серқирра ижодкори Подшоҳожа бин Абдулаҳҳобҳожа оиласида дунёга келади.Ўз соводини даслаб отасидан кейинчалик Бухоро мадрасаларида олади.Мадрасада у қофия сирларини пухта эгаллаш билан бирга тиббиёт,ҳандаса,музиқа ва риёзиёт каби фанларни ҳам яхши ўзлаштиради. Нисорий тез орада машҳур шоир сифатида танилади.

Бухоро хонлиги тасарруфида бўлган кўплаб шаҳарлардаги мадрасаларда мударрислик қиласи. 1533-1543 йиллар оиласи билан Балх шаҳрида яшаб Камолиддин қўнок мадрасасида ҳандаса фанидан дарс беради.Бухоро хонлари Абдулазизхон даврида садрлик лавозимида ишлаган бўлса,Абдуллохон II даврида “Малик уш-шуаро” унвонига ҳам сазовор бўлади.Нисорий 1957 йилгача яъни умрининг охиригача Бухорода яшаб мактабдорлик иши билан шуғулланади ва шу ерда вафот этади.

Ҳасанхожа Нисорий ўзининг “Музаккири Аҳбоб” (“Дўстлар ёдномаси”) асарини Абдуллохон II га бағишилайди. “Музаккири Аҳбоб”асарида Самарқанд ва Бухорода яшаб ижод қилган 250 ортиқ замонасининг машҳур ижодкорлари ҳақида қимматли ва ноёб маълумотларни беради.Муллиф ўз асарини қўйдагича тартиблагани ҳақида айтади. Асар мақола , 4 та боб ва хотимадан иборат қилиб тузилган. ²Мақола қисми икки руқндан иборат бўлиб унда Чингизий ва Чигатой сultonлари аҳволи баёнига багишлиланади. Биринчи бобда муаллиф кўришмаган ва бу оламдан ўтган олим ва шоирлар хусусида ҳикоя қilanади.

Иккинчи бобда эса муаллиф учрашган ва дунёдан ўтганлар хусусида. Учинчи бобда шоир учрашган ва айни пайтда хаёт бўлган зотлар ҳақида.

Тўртинчи бобда муаллиф кўришмаган аммо хозир яшаётган илм аҳли хусусида бўлса,китоб хотимасида Нисорийнинг бобоси,отаси,амакилари,ака-укалари ва яқин қариндошлари зикр қилинади.

МУҲОКАМА ВА НАТИЖАЛАР

Бизнинг фикримизча “Музаккири Аҳбоб” (“Дўстлар ёдномаси”) асари ўз мохиятига кўра, Мовороуннахр,Хурросон,Шарқий Туркистон, Озарбайжон ҳамда Ҳиндистонлик шоир ва ижодкорлар ҳақида, ёхуд уларнинг ғазаллари,рубойй,матла,қита ва шерларидан намуналарни давларга бўлиб

жамлаган таскира жанридаги шунчаки асар эмас. Балки бу асарда ўз даврида ёзилган бошқа тарихий асарларда кам учрайдиган XVI аср Бухоро хонлиги ижтимоий-сиёсий ҳаёти ва педагогик тафаккур тараққиётини ёритишида хизмат қиласидиган қўшимча қимматли маълумотларга гувоҳ бўламиз.

Чунончи “Музаккири Аҳбоб”нинг мақола қисмида Нисорий Шабоний хукмдорлар ҳақида тўхталиб XVI аср Бухоро хонлиги маданиятини бошлаб берган ³Муҳаммад Шайбонийхонни Бухорога илм излаб келганлиги, ўта тақводор инсон бўлганлиги, нақшбандия тариқатининг асосчиси ҳазрат Баҳоуддиннинг мақбараларига ибодат қилиб, яшаганлиги хусусида маълумотларни келтиради. Хажаи бузругворнинг набираси ³Низомиддинжоха Мир Муҳаммад Нақшбандийнинг хизматларида бир муддат бўлиб у кишига мурид тутунган.

Низомиддинжоха Мир Муҳаммад Нақшбандий Муҳаммад Шайбонийхонга у ҳақида бир илоҳий башорат бўлганлигини унинг бу юртни тарк этмаслиги ҳақида, унинг иқболи ва тақдирида шу ўлкада буюк ишларни қилишга бир ишорат борлигини яйтади. Ўша башоратли ишорага амал қилган Шайбонийхон 12 йил давомида Туркистон вилоятидан Хурросонгача бўлган катта бир ҳудудда ўз империяни тузиб у ерларни иқтисодий, ижтимоий, сиёсий ва маданий жиҳатдан бақувват ва обод ўлкаларга айлантиради. Муаллифнинг келтиришича ⁴Муҳаммад Шайбонийхон кўплаб илм соҳаларини мукаммал эгаллаган киши бўлган.

Шерият соҳасида кўплаб шоирларга эътиқоди ва эътибори баланд бўлган. Мудом олиму фозилларни тўплаб илмий сухбатлар уюштурганлиги ҳақида қизиқарли ва аниқ маълумотларни келтиради.

Ёки Шайбонийхондан кейин Бухорода хукмронлик қилган унинг жияни Убайдуллохон ҳақида кўплаб фактик маълумотларни келтиради. Масалан: Убайдуллохон қанчалик давлат ишлари билан банд бўлмасин. У ҳадис илмини Хожа Мавлоно Исфаҳонийдан, фиқҳни Мавлоно Маҳмуд Азизондан, Куръон қироатини Мавлоно Ёрмуҳаммад қори каби замонасининг пешқадам алломаларидан қунд билан эгаллайди. Шу боисдан бу йуналишлардаги фаолиятида Убайдуллохон чуқур билимга эга эканлили кўзга ташланади. Муаллифнинг асарда келтиришича у Куръон қироатида тажвидсиз ўқиши ножоиз санаган. Куръонга тафсир ёзган, фиқҳга бағищланган рисола хам яратган. У етти хил хусниҳатда ёза олган. Насх хатини ёзишида маҳорати бекиёс бўлган.

Мусиқа илмининг билимдони, чалувчи созанда, куйловчи сифатида замондошлиарининг тахсинига сазовор бўлган. Бундан ташқари асарда

Абдулазизхон, Абдулатифхон, Кўчкинчихон, Абулхайрихон каби кўплаб шайбоний ҳукмдорлар ҳақида ўта ноёб маълумотлар далилларда келтирилади.

Асардаги яна бир этиборга молик жиҳатлардан бири, тарих, тиббиёт, хатотлик, нотиқлик, тассаввуф, ахлоқ, динилми, шаҳарсозлик, мударрислик каби қатор илм соҳаларида мувоффақиятга эришган замонасининг етук олимлари хусусида: Чунончи моҳир табиблар: Мавлоно руҳий табиб (Хозирда психиатр) [1;81-б.], Ҳофиз Камол Турбатий [1;119-б.], Мавлони Абул Ҳаким, [1;231-б], Мир табиблар [1:234-Б]. Моҳоратли мударрислар: Камолиддин Иброҳим Ширвоний, Мавлоно Ҳўжамуҳаммад Садр [1:74-б], Мавлоно Фоний [1:75-б], Мавлоно Пирмуҳаммад [1:262-б], Мавлоно Фозил [1:105-б], Мавлоно Мирмуғтилар [1:233-б].

Серқирра нотиклар: Мавлоно Мажлисий [1:80-б], Мавлоно Қобулий Бухорий [1:82-б], Мавлоно Қавсий [1:86-б], Низомиддин Абул Бақо [1:88-б], Мавлоно Ҳамидиддин Шоший, [1;101-б], Мавлоно Нахлий [1;239-б]. Машхур хаттотлар: Мавлоно Сокиний [1:82-б], Шайх Баязид Пуроний, [1;92-б], Мавлоно Марҳамий [1;237-б], Хўжа Ҳусайн Марвий [1;243-б], Мирзо Боқийлар [1;245-б]. Пешқадам олимлар: Мир Гусийи [1;109-б], Шайх Абу ал-Важд, [1;128-б], Мавлоно Жамолиддин Исматулло [1;219-б], Амир Садриддин Муҳаммад [1;227-б], Мавлоно Муҳаммад Амин [1;230-б], Қози Сайд Ҳарроziйлар [1;260-б]. Мусиқа илми намояндайлари: Мавлоно Номий, [1;120-б], Мирзо Сабрийлар [1;247-б] ҳақида кўплаб фактик маълумотларни келтириб ўтганлигига гувоҳ бўламиз.

Кўйида номлари келтирилган турли соҳа вакиллари ва намояндайлари муаллиф айтганидек шериятга ихлоси баланд ўтган бўлсада, бироқ улар ўз даврининг машҳур шоирлари сифатида эмас, балки улар асл касбида машҳур ва номдор саналишган.

Мисол учун: Асарда табиб Мавлоно Абул Ҳаким ҳақида шундай келтирилади. У тиб илмлари амалини тўла ўзлаштирган, қасалликларни аниклаш бобида донг таратган табиб эди. Бошқа фазилатлардан ҳам бенасиб бўлмай кўпчилик илмлар унга мужассам эди. Шайхлар авлодидан бўлганлиги боис шерга ҳам илтифоти бўлганлигини келтиради муаллиф.

Моҳоратли мударрислардан Камолиддин Иброҳим Ширвонийни фозиллар йўлбошчиси сифатида тарифлаб, бир қанча вақт Бухоро мадрасаларида мударрислик қилиб самарқанддаги машҳур олим ва фозиллар хурматига сазовор бўлгалиги, у дарс берган шогирдларининг барчаси мавлонолик мақомига эришганлиги баён қилинади. Бундан ташқари Мавлоно

Ширвоний сўз санъти ва ижодий фаолиятда тенгсиз ва машҳур бўлганлиги келтирилади.

Серқирра нотиклардан Мавлоно Қобулий Бухорийни ажойиб нотиқ ва хушсуҳбат киши бўлганлиги, унинг сухбатини Мухаммад Шайбонийхоннинг ўзи хуш кўрганлиги келтилган. Мавлоно Ҳисор томонларига борганида Ҳисор аҳли хурсандлик билан уни сухбатига ошиқганлиги ибратли ҳикоят шаклида баён қиласиди.

Машҳур хаттотлардан Шайх Баязид Пуроний ҳақида тўхталиб шайх асли Хуросоннинг мўътабар улуғларидан эканлиги, Бухорода маълум ва машҳур бўлиб, шайхга шуҳрат келтирган фазилатлардан бири хушнавис хаттотлиги, етти қаламда ҳам бир хилда ёза олишидир деб келтиради. Бухородаги жомеъ масжиди меҳробидаги китоба унинг ижодига тегишлидир, дейди муаллиф.

Шунингдек асарда XVI асрнинг пешқадам олимларидан Мавлоно Жамолиддин Исматулло хусусида сўз юритилиб, унинг ёшлигидан илоҳий илмларни пухта ёгаллаганлиги, кейинчалик замонасининг машҳур олимлари ҳузурида муридликда бўлиб, бир нечта илм соҳаларини машҳур билимдонига айланиб, мавлавийлик мартабасига етишганлиги тўғридаги маълумотлар қизиқарли мисолларда келтирилган. Шунингдек Мавлоно Жамолиддин Исматулло Самарқанд мадрасаларида мукаммал маъruzalар ўқиб илм толиблари ва одамлар фахрига айланган мударрислардан бири бўлганлиги, Олимнинг Абдураҳмон Жомийнинг “Фавоиди саноъ” асарини аниқлашга ёзган “Шиъаи пурфавоид” асари ўша давр мадрасалари учун асосий қўлланмалардан бири ҳисобланганлиги тўғрисида келтириб ўтилган.

Шунингдек асардан биз ўз замонасининг забардаст мусиқачилари ҳақида ҳам теран маълумотларни олимиз мумкин. Чунончи машҳур мусиқашунос олим, созанда ҳамда хонанда Мирзо Сабрий хусусида тўхталиб ўтилган бўлиб, Мирзо Сабрий ўта ноёб ва баланд овозга эга эканлиги, мусиқа назариёчиси ва мусиқий асбоблар ихтирочиси эканлиги, хусусан олим томонидан уд ва рубобдан ташкил топган ўзига хос бир асбоб ихтиро қилинганлиги, бу мусиқий асбоб чалинганда ноёб куй нағмалари жаранглаб инсонга хуш завқ ҳамда руҳий таскинлик бера олиши тўғрисида тўхталиб ўтилган. Бундан ташқари Мирзо Сабрий Бухоро шаҳрида кўплаб ўз шинавандаларига эга бўлган. Ёқимли овози сеҳирли куй ва наволарни чалиш маҳорати сирларини толиби илмларга ҳам ўргатган.

“Музаккири ахбоб” асари орқали биз шунингдек бошқа бир қатор қасб эгалари чунончи ўқчи, тижоратчи кулчапаз, тароқсоз, наққош каби кўплаб замонасининг машҳур ҳунармандлари уларнинг ижодий намуналари ҳақида

ҳам билиб олишимиз мумкин. Бу эса XVI асрга келиб Бухоро хонлигининг ижтимоий –сиёсий, маънавий –маданий ҳаётида юзага келган маънавий кўтаринкилик кайфияти ўта юқори даражада бўлганлигини, илм-фан ва педагогик тафаккур ривожи юксак тариққий этганлигини қўрсатади.

ХУЛОСА

Умуман олганда "Музаккири аҳбоб" асари XVI аср Бухоро хонлигига ижтимоий-сиёсий ҳаёт ва педагогик тафаккур тараққиётини ёритишида энг муҳим қомусий асарлардан бири бўлиб, унинг воситасида, биз бир томондан Бухоро хонлиги тасарруфидаги шаҳарлар уларнинг пайдо бўлиши, топономик тарихи этнографияси, шунингдек бу шаҳарлардаги будёдкорлик ишлари қурилган мадрасалар, масжидлар, кутубхоналар, боғ ҳамда бозорлар ҳақидаги қўплаб муҳим маълумотлар билан қуроллантирса, иккинчи томондан Бухоро хонлиги маданий ҳаёти ва унинг ривожига улкан ҳисса қўшган шайбоний ҳукмдорлар ҳаёти ҳамда замонасининг машҳур тарихирчилари, табиблари, хатотлари, нотиқлари, тассаввуф ва дин илми уламолари, даррислари шоир ва уста ҳанармандлари, улар томонидан ёзиб қолдирилган асарлар ҳамда келтирилган ижод намуналари ўрганиш орқали том маънода китобхоннинг давр ҳақидаги педагогик тафаккурини ривожлантиришга хизмат қилаоладиган нодир манбалардан бири эканлигини англаш оламиз.

REFERENCES

1. Ҳасанхожа Нисорий “Музаккир ал-аҳбоб” (Дўстлар ёдномаси) / Форс тилидан Исмоил Бекжон тарж. А. Кодирий номидаги ҳалқ мероси нашриёти. Т.: 1993.
2. Ас ророва Л. К. Бухоро мадрасалари тарихидан Hilol-nashriyoti. Тошкент 2016.
3. Адизова И. Ўзбек мумтоз адабиёти тарихи (XVI-XIX АСР I ЯРМИ). ., 2009.
4. Валихужаев Б. Ўзбек адабиётшунослиги тарихи. Т., 1993.
5. Херман Вамбери. Бухоро ёхуд Мовароуннаҳр тарихи. -Т.: Ўқитувчи, 1993.
6. Пугаченкова Г.А., Ремпель Л.И. Выдающиеся памятники архитектуры Узбекистана. Т. 1958.
7. www. Histori.uz.
8. www. wostlit. narod.ru
9. www. tarih. uz. __